

Ուսուցման

Ո Ւ Ղ Ե Գ Ն Ղ Գ

Ուսուցման

Ո ի ղ Ե ց ո ի յ ց

Հրատարակված է
Հիսուս Քրիստոսի Վերջին Օրերի Սրբերի Եկեղեցու կողմից
Սուրբ Լեյբ Սիրի, Յուսա

© 1994, 1999, 2001 by Intellectual Reserve, Inc.
Բոլոր իրավունքները պաշտպանված են:
Printed in Germany.

Անգլերեն տեքստի հաստատումը՝ 3/01
Թարգմանության հաստատումը՝ 3/01
Teaching Guidebook-ի թարգմանությունը
Armenian

Բովանդակություն

Ներածություն	1
Հոգեպես Պատրաստվեք	2
Ուսուցանեք Հիսուսի պես	4
Օգտագործեք Ուսուցման Բազմազան Մեթոդներ	9
Պատրաստեք Ձեր Դասը	13
Հասկացեք Նրանց, Ում Սովորեցնում եք	16
Ուսուցման Պարզևները	18
Ղեկավարել Ուսուցիչների Վերապատրաստումը Ծյուղում	19
Ավետարանային Դասընթացի Ուսուցանման Ծրագիր	21
Եկեղեցու Նյութեր Ձեռք Բերելը և Ընտանիքի Պատմության մեջ Տեղեկություններ Տեղադրելը	23

Բաշխում

Ուսուցման Ուղեցույցը օգտագործվում է հիմնական ուսումնական ծրագրի հետ միասին և օգտակար կլինի նաև ուսուցիչների և այլ անդամների համար միավորներում, որտեղ օգտագործում են ընդհանուր ուսումնական ծրագիրը (տես *Տեղեկություն Բահանայության և Օժանդակ Կազմակերպության Ղեկավարների համար* [36363 201]): Այս ուղեցույցը կարող է օգնել անդամներին բարելավելու ուսուցումը տանը և Եկեղեցու կազմակերպություններում: Յուրաքանչյուր ուսուցիչ պետք է ունենա այս ուղեցույցի մեկ օրինակ: Ընտանիքի ղեկավարը նույնպես կարող է այն օգտակար գտնել:

Ներածություն

Մույն ուղեցույցը կազմված է ծնողների, առաջնորդների և ուսուցիչների համար: Այն կարող է օգտագործվել որպես անհատական ջանքի մի մաս, ուղղված որպես ուսուցիչ զարգանալուն: Այն կարող է օգտագործվել որպես Ավետարանային դասընթացի ուսուցման և ուսուցիչների որակավորման հավաքների հիմք (տես 21–22 էջերը):

Տերը սովորեցրել է.

«Եվ ես պատվիրան եմ տալիս ձեզ, որ դուք սովորեցնեք մեկը մյուսին թագավորության վարդապետությունը:

Սովորեցրեք ջանասիրաբար և իմ բարեհաճությունը կլինի ձեզ հետ, որ դուք ավելի կատարելապես հրահանգվեք տեսության, սկզբունքների, վարդապետության, Ավետարանի օրենքի և Աստծո թագավորությանը վերաբերող ամեն ինչի, ինչը նպատակահարմար է, որ հասկանաք» (Վևու 88.77–78):



Տունը պետք է կենտրոնական վայրը լինի, որտեղ սա կկատարվի: Տան համար օգնություն է հանդիսանում Եկեղեցում սովորելն ու սովորեցնելը: Մենք բոլորս որպես ուսուցիչներ պատասխանատվություն ունենք մեր մերձավորների և առօրյա կյանքում

հանդիպող ընկերների հանդեպ: Մենք ուսուցանում ենք որպես ծնողներ, որդիներ, դուստրեր, ամուսիհներ, կամայք, եղբայրներ և քույրեր: Մենք ուսուցանում ենք որպես Եկեղեցու առաջնորդներ, դասարանի ուսուցիչներ, տնային և այցելող ուսուցիչներ: Մենք մաս ուսուցանում ենք որպես կոլեգաներ, հարևաններ և ընկերներ: Երբեմն սովորեցնում ենք մեր ասածներով և բերած վկայություններով, սակայն, ավելի հաճախ մենք սովորեցնում ենք օրինակով:

Գալիլեյան Ծովի ափին հարություն առած Տերը հրահանգում էր Պետրոսին. «Արածեցրու իմ ոչխարները» (Հովհաննես ԻԱ.16–17): Ուսուցանելու կոչը պահանջում է, որ մենք սնենք մյուսների հոգիները ավետարանի ճշմարտություններով և, այդպիսով, առաջնորդենք նրանց դեպի Փրկիչը (տես Մորոնի 6.4): Մտածեք Երկնային Հոր զավակների փրկության մեջ ավետարանի ուսուցման դերի մասին: Կարո՞ղ եք պատկերացնել ավելի ազնվական կամ սուրբ պարտականություն:

Եթե դուք ծնող եք կամ նոր կոչված ուսուցիչ, ապա կարող է դուք հատկապես մտահոգ լինեք այս պատասխանատվությամբ: Հիշեք, որ Տերը պատրաստ է օգնել ձեզ: Նա խոստացել է, որ եթե մենք խոնարհ ենք և հավատ ունենք, ապա Նա «թույլ բաները ուժեղ կդարձնի մեզ համար» (Եթեր 12.27): Մեր ջանքերում, ուղղված որպես ուսուցիչ կատարելագործվելուն, մենք կարող ենք հիմնվել կյանքում ձեռք բերած փորձերի ու հմտությունների վրա: Մեր ունակությունները կշատանան, եթե պատշաճորեն պատրաստվենք, փորձենք գորացնել նրանց, ում սովորեցնում ենք և հավատանք Տիրոջը:

Պատրաստվեք Հոգեպես

Երբ հոգեպես պատրաստվում եք, Սուրբ Հոգին կարողանում է ուսուցանելիս առաջնորդել և օգնել ձեզ: Սուրբ Հոգին անհրաժեշտ է ավետարանի սկզբունքներն ու ճշմարտությունները ուսուցանելու համար: Տերն ասել է. Հոգին կտրվի ձեզ հավատքի աղոթքով, և եթե դուք չեք ստանում հոգին՝ դուք չպետք է սովորեցնեք (տես Վևու 42.14): Հետևյալ առաջարկությունները կօգնեն ձեզ ուսուցանել Սուրբ Հոգու միջոցով:



Հաստատված Եղեք

Երբ կանչվում եք ուսուցանելու, դուք պետք է հաստատվեք և հատուկ օրհնություն ստանաք քահանայության առաջնորդների կողմից: Այդ օրհնությունը կօգնի ձեզ իրականացնել ձեր պարտականությունները: Եթե ձեր ուժերի ներածին չափով ծառայեք ուսուցանելու ձեր կոչման մեջ, ապա Տերը կընդլայնի այլուց նկատմամբ ձեր բարի ազդեցության

ներուժը: Նա նույնիսկ ձեր ուժերից վեր տաղանդներ և ունակություններ կշնորհի ձեզ անհրաժեշտության դեպքում:

Ձգտեք Ունենալ Սուրբ Հոգու Առաջնորդությունը



Ուսուցանելիս ձգտեք ունենալ Սուրբ Հոգու առաջնորդությունը: Նա կարող է օգնել ձեզ հասկանալ նրանց կարիքներն, ում սովորեցնում եք և դասը պատրաստել այնպես, որ հոգեհարազատ լինի դրանց: Նա կմեղմացնի ձեր սիրտը և կպատրաստի ձեր միտքը լրացուցիչ ոգեշնչում և առաջնորդություն ստանալուն:

Հաճախ Աղոթեք

Հաճախ աղոթեք և խնդրեք Տիրոջը օրհնել ձեզ սովորելիս և պատրաստվելիս: Երբեմն կարող եք ծոմ պահել աղոթքների հետ մեկտեղ: Աղոթեք հասկանալու և սիրելու համար այն անձանց, ում սովորեցնում եք: Սովորեք ճանաչել և հետևել Սուրբ Հոգու շշունջներին, որոնք կգան ձեզ:


Ուսումնասիրեք Սուրբ Գրությունները

Աղոթելով ուսումնասիրեք Սուրբ գրությունները: Այդպես վարվելով, դուք կսովորեք Փրկչի մասին և ճշմարտության մասին ձեր գիտելիքները կհարստանան: Սուրբ Հոգին կօգնի ձեզ հասկանալ Սուրբ գրությունները և դրանք դասարանի անդամների և ընտանիքի անդամների կարիքների դեպքում կիրառելու ձևերը: Եթե Սուրբ գրություններն ուսումնասիրելիս աղոթեք ու ծոմ պահեք, ապա Սուրբ Հոգին կառաջնորդի ու կգործացնի ձեզ ուսուցանելիս:

Ապրեք Համաձայն Ավետարանի

Ապրեք համաձայն ավետարանի ուսմունքների այնքան լիովին, որքան կարող եք: Ապաշխարեք կատարած մեղսագործությունները: Վարվելով այդպես դուք զորություն ու հասկացողություն կստանաք: Ըստ Ավետարանի ապրելու ձեր ձգտումներում ունեցած խաղաղության ու երջանկության զգացումները ակնհայտ կլինեն մյուսներին: Նրան կզգան ձեր վկայության անկեղծությունը և ձեր հանձնառության զորությունը: Նրանք կառաջնորդվեն ձեր կյանքի օրինակով:

Մի ուսուցիչ դժվար պահ էր ապրում դասը պատրաստելիս Սուրբ Հոգու առաջնորդությունը զգալու հետ կապված: Աղոթելով օգնության համար նա գիտակցեց, որ ներքուստ բարկացած է իր հարևանուհու վրա, որը շատ կոպիտ էր վարվել նրա հետ: Նա խոնարհաբար խնդրեց Տիրոջը ներել իրեն: Հաջորդ օրը նա այցելեց իր հարևանուհուն և ներողություն խնդրեց նրա հանդեպ



տաձած վատ զգացումների համար: Նրանք մտերմացան և նա կարողացավ կրկին վայելել Սուրբ Հոգու առաջնորդությունը:

Խոնարհ Եղեք

Հեզոբյունը կօգնի ձեզ խուսափել միայն ձեր մասին մտածելու կամ չափից ավել ձեր սեփական գիտելիքների ու տաղանդների վրա ապավինելու գայթակղությունից: Դուք կարող եք հեզոբյուն ցուցաբերել հետևելով Առակաց Գ.5–6 հատվածում տված խորհրդին. «Տիրոջն ապավինիր քո բոլոր սրտովը, և քո հասկացողությանը մի վստահիր: Բոլոր ճանապարհներումը ճանաչիր նորան, և նա կուղղի քո ճանապարհները»: Տերը սովորեցրել է, որ խոնարհ լինենք և Տեր Աստվածը կառաջնորդի մեզ ձեռքից բռնած և կտա մեր աղոթքների պատասխանները (տես ՎևՈւ 112.10):

Ուսուցանեք Հիսուսի պես



Սիրեք Նրանց, Ում Ուսուցանում եք

Իր Երկրային կյանքի ընթացքում Հիսուսը մեծ սեր և ընթրնում էր ցուցաբերում բոլոր մարդկանց նկատմամբ: Նա սովորեցրել է մեզ սիրել յուրաքանչյուրին և օգնել միմյանց: Նա ասել է. «Նոր պատվիրան եմ տալիս ձեզ, որ իրար սիրեք. ինչպես ես ձեզ սիրեցի, որ դուք էլ իրար սիրեք» (Հովհաննես ԺԳ.34): Երբ մեր սերն ենք ցուցաբերում նրանց հանդեպ, ում ուսուցանում ենք, նրանք ավելի քաջատեղյակ են դառնում իրենց հավիտենական արժեքի մասին, ավելի խանդավառ՝ սովորելու և ավելի ընդունակ՝ Մուրք Հոգուն լսելու:

Ավետարանի ուսուցիչ լինելն ավելին է նշանակում, քան յուրաքանչյուր շաբաթ մի դաս պատրաստելը: Դա նաև նշանակում է հոգ

տանել դասարանի անդամների մասին: Ջանքեր քափեք նրանցից յուրաքանչյուրին անհատապես ճանաչելու ուղղությամբ: Դա կօգնի ձեզ ավելի արդյունավետ ուսուցանել: Նրանք ձեր օգնության կարիքը կունենան խնդիրների դեպքում, երբ չեն հաճախում կամ որևէ արատ ունեն: Հիշեք կորած ոչխարի մասին Փրկչի առակը (տես Դուկաս ԺԵ.3–6):



Եկեղեցի հազվադեպ հաճախող մի երեխայի ուսուցիչը նկատել էր, որ երբ շաբաթվա ընթացքում զանգահարում էր երեխայի ծնողներին, ապա նա գալիք կիրակի օրը գալիս էր Եկեղեցի: Նա ջանք գործադրեց ավելի հաճախ խոսելու ծնողների հետ և նշելու իր մտերմությունը երեխայի հետ: Նա նույնիսկ դիմավորում էր երեխային դպրոցում, երբ ծնողներն աշխատում էին, որպեսզի նա բաց չթողնի դասարանային միջոցառումը:

Որպես ուսուցիչ դուք նույնպես կարող եք շատ բան անել ընկերակցելու համար անդամների հետ և օգնելու նրանց ապրել ըստ Ավետարանի: Սա հատկապես կարևոր է նոր անդամների դեպքում: Միշտ օգնեք նրանց զգալ, որ իրենց ուրախ են: Հարմարեցրեք նրանց համար, որ մասնակցեն դասարաններում: Պատրաստեք ձեզ Ավետարանի ճշմարտությունները սովորեցնելուն Հոգով ու սիրով:

Ուսուցանեք Ավետարանի ճշմարտությունները

Հիսուսը ուսուցանում էր Ավետարանի ճշմարտությունները: Նա հատկապես կանգ էր առնում Ավետարանի առաջնային սկզբունքների վրա՝ որոնք են հավատը, ապաշխարությունը, մկրտությունը և Սուրբ Հոգու պարզևր: Նա ուսուցանում էր մեզ սիրել և ծառայել միմյանց: Նա սովորեցնում էր քահանայության, ուխտերի և արարողությունների մասին և բոլոր բաների մասին, որոնք մենք պետք է իմանանք և կատարենք դեպի Իրեն գալու համար: Մենք նույնպես պետք է սովորեցնենք Ավետարանը ինչպես բացահայտված է սուրբ գրություններում և վերջին օրերի

մարգարեների խոսքերում: Աշխարհիկ առարկաները, սեփական կարծիքները և մտահայեցողական կամ վիճելի ուսմունքներն ընդունելի չեն:

Քրիստոսն ավետարանի սկզբունքները սովորեցնում էր պարզությամբ: Նա գործածում էր մաքուր, պարզ լեզու և առօրյա կյանքից պատմություններ ու օրինակներ: Նրա դասերը լի էին բազմաթիվ պարզ պատմություններով, որոնք հասկանալի էին բոլոր մարդկանց: Նա պատմում էր մոլորված ոչխարը գտնելու, մետաղադրանը փնտրելու և անառակ որդու վերադարձի կապակցությամբ ուրախանալու մասին (տես Դուկաս 15):

Սովորեցնելիս նա հաճախ էր օգտագործում Սուրբ գրությունները: Ուսուցանելիս դասի ժամանակ աշխատեք հաճախ օգտագործել սուրբ գրությունները: Օգնեք դասարանի անդամներին հասկանալ, որ սուրբ գրություններում հիշատակվող մարդիկ իրոք ապրել են և Տիրոջ ծառայելու իրենց ջանքերում ունեցել են և փորձություններ, և ուրախություն: Այնպիսի հարցեր տվեք նրանց, ում ուսուցանում եք, որոնց պատասխանները հարկավոր է գտնել սուրբ գրություններում: Քաջալերեք անհատներին սուրբ գրություններն ուսումնասիրել նաև տանը և ցույց տվեք, թե ինչպես կարելի է դա արդյունավետ կերպով անել: Սովորեցրեք նրանց, թե ինչպես կարելի է օգտագործել սուրբ գրությունների ուսումնական օգնությունը: Հանձնարարություններ տվեք, որոնք պահանջում են դասարանի անդամներից ուսումնասիրել սուրբ գրությունները և վերջին օրերի մարգարեների խոսքերը:

Ուսուցանեք Սուրբ Հոգով

Ուսուցիչներն ուսուցանելիս պետք է աշխատեն Տիրոջ Հոգին ունենալ իրենց հետ: Անձը կարող է սովորեցնել խոր ճշմարտություններ և դասարանի անդամները կարող են ներգրավվել թե՛ քննարկումների մեջ, սակայն մինչև Հոգին ներկա չլինի այդ բաները հզոր ազդեցություն չեն կարող ունենալ հոգու վրա: Երբ Հոգին ներկա է բոլորն ամուր են իրենց սիրով դեպի Երկնային Հայրը և Հիսուս Քրիստոսը, իրենց սիրով միմյանց նկատմամբ և իրենց պարտավորությամբ ապրելու ըստ Ավետարանի: Հետևյալը որոշ գաղափարներ են, թե ինչպես Հոգու ներկայությունն ունենալ ուսուցանելիս.

- Սկսեք աղոթքով
- Ուսուցանեք Սուրբ գրություններից և վերջին օրերի մարգարեների խոսքերից
- Բերեք ձեր վկայությունը
- Կիսվեք ձեր փորձով և խնդրեք մյուսներին նույնպես վարվել
- Օգտագործեք երաժշտություն (տես էջ 10):
- Ցույց տվեք ձեր սերը Տիրոջ և մյուսների հանդեպ:

Եթե դուք պատշաճ կերպով պատրաստված եք, ապա Սուրբ Հոգին կլուսավորի և կառաջնորդի ձեզ ուսուցանելիս:

Հնարավոր է ոգեշնչում ստանաք նրանց վերաբերյալ, ում ուսուցանում եք, և թե ինչը պետք է շեշտել նրանց ուսուցանելիս: Հնարավոր է մտահոգացումներ և զգացումներ ունենաք, թե ինչպես նրանց ամենա

արդյունավետ ձևով ուսուցանել: Ձեր քրտնաջան աշխատանքը կհզորանա, եթե խոնարհաբար հնազանդվում եք Հոգու շուկնեթին: Նրանց, ում ուսուցանում եք, կարող եք օգնել նույնպես ճանաչել Հոգու ազդեցությունը:

Քաջալերեք Քրտնաջան Սովորել

Տերն ասել է, որ իմաստության խոսքերը որոնենք լավագույն գրքերում, ուսում որոնենք՝ սովորելով և հավատով (տես Վև.Ու 88.118): Յուրաքանչյուր անդամ պատասխանատու է ճշմարտության գիտելիքը ձեռք բերել իր սեփական ջանքերի շնորհիվ: Ուսուցիչ պարտականությունն է արթնացնել մյուսների մեջ սովորելու, հասկանալու և ըստ Ավետարանի ապրելու ցանկությունը: Այս պարտականությունն իրագործելու համար դուք կարող եք կենտրոնանալ երեք գաղափարների շուրջ.



1. Աշխույժ դարձրեք և հետաքրքրություն առաջացրեք նրանց մեջ, ում ուսուցանում եք: Սա կատարելու բանալին անձամբ ձեր խանդավառությունն է

Ավետարանն ուսումնասիրելու հարցում: Երկրորդը՝ ձեր կողմից ուսուցման մեթոդների օգտագործումն է, որը դասերն ավելի պարզ, հետաքրքիր և հեշտ հիշվող է դարձնում (տես էջեր 9–12):

Հետաքրքրություն առաջացնելը հատկապես կարևոր է դասի սկզբում: Դասը ծրագրելիս հիշեք Հոգին հրավիրելու եղանակները, յուրաքանչյուրի ուշադրությունը գրավելու հետաքրքիր սկիզբով և կենտրոնացնելու դասի ժամանակ ուսուցանվող վարդապետության կամ սկզբունքի վրա:

2. Քաջալերեք մասնակցություն: Ծրագրեք եղանակներ, թե ինչպես կարող է յուրաքանչյուրը մասնակցություն ցուցաբերի դասի ընթացքում: Կարող եք խնդրել որևէ մեկին կարդալ սուրբ գրություններից որևէ հատված կամ որևէ պատմություն պատմի: Կարող եք հրավիրել նրանց պատասխանելու հարցերին կամ ազատ քննարկել դասի նյութը: Կարող եք խնդրել մեկ կամ երկու հոգու մի երգ երգել կամ նվագել որևէ գործիքի վրա: Աղոթքով կարող եք ընտրել որևէ մեկի բերելու իր վկայությունը կամ կիսվելու դասի թեմային վերաբերող անձնական փորձով: Երբեմն կարևոր է մախօրոք խնդրել մասնակցության մասին, որպեսզի նրանք, ում խնդրում եք պատրաստ լինեն և հարմարավետ զգան իրենց մասնակցելիս:

Մի ուսուցչի դասի հիմնական նպատակն էր Մորմոնի Գիրքը կարդալու կարևորությունը: Նա խնդրեց իր դասարանի երիտասարդներին մտածել մի հատված, որը փոխել է իրենց կյանքը:

Այնուհետև նա խնդրեց երեք կամ չորս կանավորների կանգնել և կիսվել դասարանի հետ սուրբ գրության իրենց հատվածներով և պատմել, թե ինչպես են այդ հատվածները փոխել իրենց կյանքը: Երբ յուրաքանչյուրը կիսվեց Մորմոնի Գրքի գրության մասին իր բաղձալի զգացումներով դասարանի անդամների մոտ անկեղծ ցանկություն առաջացավ ամեն օր կարդալու սուրբ գրությունները և խորհելու դրանց շուրջ:

Ունանք դժկամությամբ են մասնակցում: Մի խնդրեք անձանց բարձրաձայն կարդալ կամ աղոթել, մինչև համոզված չլինեք, որ նրանք հարմար են զգում անել դա: Եթե կասկածում եք մասնակցելու առումով որևէ անձի հոժարակամության վրա, ապա ավելի լավ է խնդրեք կամավորներին, քան նրանց, ովքեր հնարավոր է դժկամությամբ կանեն դա: Աշակերտներից շատերն աստիճանաբար կտվորեն հարմար զգալ մասնակցելիս, տեսնելով, որ նրանք, ովքեր մասնակցում են, շրջապատված են հարգանքով ու պատվով:

3. Օգնեք նրանց կիրառել սովորածը: Դուք նաև պետք է օգնեք ունկնդիրներին կիրառեն այն, ինչ սովորեցվում է կյանքի տարբեր իրադրություններում: Դա կարելի է անել հանձնարարությունների միջոցով, որոնք կօգնեն դասարանի անդամներին դաս քաղել ուսուցանվող ճշմարտություններից: Հիշեք, որ Ավետարանային ուսուցանումը արժեք չունի, եթե այն չվերածվի ըստ Ավետարանի ապրելու:

Սովորելուն Նպաստող Մթնոլորտ Ստեղծեք

Ավետարանը սովորելու համար ամենաբարենպաստ միջավայրն այն է, որտեղ յուրաքանչյուր ներկա գտնվող անձը մտածում է խմբի մյուս անդամների ուսման մասին: Սովորելու ցանկությունն ուժեղանում է, երբ ուսուցիչներն ու աշակերտները սիրում են միմյանց և օգնում են միմյանց հասկանալ ու ապրել ըստ Ավետարանի: Երբ ունկնդիրների հետ միասին աշխատում եք ստեղծել սովորելուն նպաստող մթնոլորտ, ապա վիճելի հարցեր ամենայն հավանականությամբ չեն առաջանա: Գուրք պետք է ձեր ուժերի սահմաններում ամեն ինչ անեք ստեղծելու համար նման մթնոլորտ և օգնելու համար ձեր ունկնդիրներին օժանդակել դրան:



Ահավասիկ մի քանի խորհուրդներ, թե ինչպես ստեղծել սովորելուն նպաստող մթնոլորտ.

- Ժամանակին մտքեք դասարան, ունենալով ձեզ հետ բոլոր անհրաժեշտ ձեռնարկներն ու սարքավորումները

- Հավաստիացեք, որ դասասենյակը մաքուր է, կարգի բերված, հարմարավետ և ուշադրություն շեղող ոչինչ չկա
- Ժամանակին սկսեք և ժամանակին ավարտեք դասը
- Եթե հնարավոր է, ապա ողջունեք դասարանի անդամներին անհատապես
- Ձեր գործողությունները պետք է Հոգին հրավիրող լինեն և ակնածանք քաջալերող
- Միևեք դասարանի անդամներին և օգնեք նրանց հարմարավետ զգալ մասնակցելիս
- Այնպիսի հարցեր տվեք, որոնք կօգնեն դասարանի անդամներին կենտրոնանալ առարկայի վրա
- Քաջալերեք դասարանի անդամներին միմյանց հարգանքով լսել և ընթրնումով մոտենալ
- Մի թույլ տվեք այնպիսի խոսակցություններ, որոնք կարող են վնասել կամ թուլացնել վկայությունները կամ ինչ-որ ձևով վանեն Հոգին:

Նույնիսկ երբ ամեն ինչ արել եք սովորելուն նպաստող մթնոլորտ ստեղծելու համար, հնարավոր է դեռևս որոշ դժվարությունների հետ բախվել: Հետևյալ խորհուրդները կօգնեն ձեզ լուծել որոշ հաճախ հանդիպվող դժվարություններն ու խնդիրները.

- Եթե ապակենտրոնացում առաջացավ, ապա դադարեք խոսելը մինչև բոլորի ուշադրությունը վերականգնվի: Այնուհետև շարունակեք դասը

- Եթե որոշ աշակերտներ դասի ժամանակ խոսում են միմյանց հետ, ապա դասից հետո հանդիպեք նրանց հետ առանձին և հարցրեք, թե ինչպես կարող էիք դուք և իրենք ավելի լավացնել դասը
- Եթե ինչ-որ մեկը գերակշռում է դասարանային քննարկման ժամանակ, ապա ուղղեք հարցերը դասարանի մյուս անդամներին կամ բարյացկամորեն ասացեք, որ կցանկանայիք լսել նրանց կարծիքները, ովքեր դեռ չեն խոսել

- Եթե դասարանի անդամները մեկնաբանություններ են կատարում, որոնք քննարկումը հեռացնում են դասի թեմայից, ապա ընդունեք նրանց ասածները, սակայն վերադարձրեք քննարկումը դասի դասի թեման:

Շեղող վարքը կնվազի, եթե միջոցներ գտնեք, որոնց շնորհիվ խմբի յուրաքանչյուր անձն իրեն սիրված և ընդունված կզգա ու հաջող մասնակցություն կցուցաբերի:

Օգտագործեք Ուսուցման Բազմազան Մեթոդներ



Դասը հետաքրքիր դարձնելու և դասարանի անդամներին ավետարանի ճշմարտությունները սովորեցնելուն օգնելու համար շատ միջոցներ կան, որ կարելի է օգտագործել: Ահա որոշ առաջարկություններ:

Օգտագործեք Պատմություններ և Օրինակներ

Պատմություններն ու օրինակները գրավում են մարդկանց ուշադրությունը և ցույց են տալիս, թե ինչպես կիրառել Ավետարանի սկզբունքներն առօրյա կյանքում:

Ուսուցչական ձեռնարկում և Սուրբ գրություններում բազմաթիվ հրաշալի պատմություններ կան: Դասից առաջ սովորեք բոլոր պատմությունները, որ ծրագրել եք օգտագործել: Փորձեք պատմությունը Ձեր սեփական բառերով պատմել: Դասարանն

ավելի ուշադիր կլսի, եթե պատմությունը Ձեր բառերով պատմեք, այլ ոչ թե՛ կարդաք: Փոքր երեխաները հաճույք են ստանում պատմությունը բեմականացնելուց:

Երեխաների դասարանի մի ուսուցչուհի իր դասը միշտ սկսում էր Սուրբ գրություններից վերցված որևէ պատմությամբ: Օրինակ, եթե դասը բարության մասին էր, նա պատմում էր բարի սամարացու պատմությունը: Երեխաները կարողանում էին իրենց մտքում պատկերացնել կողոպտված մարդուն և այն մարդկանց, որոնք հայացքները թեքում ու հեռանում էին: Նրանք հուզվել էին վիրավոր մարդուն հոգ տանող սամարացու բարությունից ու արժանապատվությունից: Երեխաներն անհամբեր սպասում էին այդ պատմություններին: Ուսուցչուհին սովորեց իր ձայնն ու արտահայտությունն օգտագործել դասարանի ուշադրությունը

գրավելու համար: Դասարանի անդամներն ավելի ընտելացան Մուրբ գրություններին և ավելի հետաքրքրվեցին դրանցով:

Օգտագործեք Նկարներ և Առարկաներ

Փրկիչը սովորեցնելիս հաճախ պարզ առարկաներ էր օգտագործում: Նա ավետարանի սկզբունքները համեմատում էր ցորենի, ավազի, քարերի և այլ ծանոթ առարկաների հետ, որպեսզի օգներ մարդկանց հասկանալ իր սովորեցրածը: Օրինակ, նա համեմատում էր Աստծո Թագավորությունը շատ մեծ հարստության հետ, որ մարդը պետք է վաճառեր իր ողջ ունեցածը այն ձեռք բերելու համար (տես Մատթեոս ԺԳ.44):



Նայեք ձեր շուրջը: Ի՞նչ սովորական իրեր կարող եք օգտագործել, որպեսզի դասարանի անդամները ավելի լավ հասկանան ավետարանի սկզբունքները:

Ավետարանի սկզբունքները լուսաբանելու համար կարելի է պարզ գծանկարներ և նկարներ օգտագործել: Ավետարանային Արվեստի Հավաքածուից մի նկար ցույց տվեք, երբ Մուրբ գրություններից որևէ

պատմություն եք պատմում: Պարզ նկարներ նկարեք գրատախտակի կամ թղթի կտորի վրա պատմությունն ավելի հետաքրքիր դարձնելու համար:

Մի ուսուցիչ դաս էր տալիս պատմելով Հիսուսի առակը ցորենի ու մոլախոտերի մասին: Դասարանի անդամները գյուղական վայրում էին ապրում, ուստի ուսուցիչը գիտեր, որ նրանք կհասկանային, որ ցորենի երիտասարդ ցողունները կարող են ոչնչանալ մոլախոտերը շատ վաղ հեռացնելիս: Նա ցորենի ցողուններից և մոլախոտերից մի փոքր փունջ պատրաստեց և այն ցուցադրեց դասի ընթացքում:

Մի այլ ուսուցիչ դասարանի անդամներին առաջարկեց մտածել մի այնպիսի առարկա, որը կարելի էր համեմատել ապաշխարության հետ: Դասարանի անդամներից մեկն ասաց, որ ապաշխարությունը մնան է օճառի, այն մաքրում է մեզ մեղքերից:

Օգտագործեք Երաժշտություն

Երաժշտությունը գերազանց միջոց է Տիրոջ Հոգին դասարան հրավիրելու համար: Երաժշտությունն օգնում է մեզ արտահայտելու մեր զգացումները, որոնք միզուցե դժվար կլինեն արտահայտել բառերով:

Եկեղեցու օրհներգերը սովորեցնում են Ավետարանային շատ սկզբունքներ և կարող են օգտագործվել գրեթե յուրաքանչյուր դասի ժամանակ: Կարող եք խնդրել որևէ անհատի, խմբի, ընտանիքի կամ ողջ դասարանին դասին վերաբերող մի օրհներգ երգեն: Կարող եք մաս բարձրաձայն կարդալ օրհներգի բառերը, մինչդեռ նվագակցում են նախերգանքը: Տարբերակ է մաս օրհներգի ձայներիզը հնչեցնելը:



Մի ուսուցչուհիի դաս էր պատրաստել ծառայության մասին: Նա ընտրել էր մի հիմն, որը համապատասխանում էր գլխավոր գաղափարին: Դասի ընթացքում խնդրել էր քույրերից մեկին կարդալ բառերը մինչ մեկ ուրիշը մեղմ մրմնջում էր երգի եղանակը: Նա դասարանի անդամներին առաջարկեց հանգիստ ստորել կարդացվող բառերի մասին դրանք կարդալու ընթացքում: Այդ երաժշտությունը դասարանի անդամներին օգնեց ավելի ուժեղ զգալ ծառայության կարևորությունը:

Մտածելու Տեղիք Տվող և Քննարկման Հանգեցնող Հարցեր Տվեք

Դասի ժամանակ ճիշտ հարցեր տալը կնպաստի մտածված սովորելուն և քննարկումներին: Հարցերն ու քննարկումներն օգտակար են շատ առումներով: Նրանք օգնում են դասարանի անդամներին ուշադիր լինեն դասի ընթացքում: Կարող եք մաս պարզել, թե արդյո՞ք դասարանի անդամները հասկացել են դասը: Դասարանի անդամները կարող են իրար սովորեցնել՝ հարցերին պատասխանելով և քննարկելով: Նրանք կարող են սովորել, թե ինչպես

կիրառել ավետարանի սկզբունքներն իրենց կյանքում:

Դասը պատրաստելիս որոշեք, թե ի՞նչ հարցեր եք տալու: Հետևյալ առաջարկությունները կարող են ձեզ օգտակար լինել.

- Հարցեր տվեք, որոնք դասարանի անդամներին կօգնեն խորհել ավետարանի սկզբունքի և այն իրենց կյանքում կիրառելու մասին: Մտածելու տեղիք տվող հարցերը հաճախ սկսվում են այսպես՝ «Ինչո՞ւ» կամ «Ինչպե՞ս»: Խուսափեք այնպիսի հարցերից, որոնց կարելի է միայն «այո», «ոչ» կամ այլ որևէ մեկ բառով պատասխանել:



Այսպես օրինակ, մեր կյանքերը Փրկչի շուրջ կենտրոնացնելու մասին դասն ուսուցանելիս կարող եք տալ հետևյալ հարցերը.

«Ի՞նչ է նշանակում կառուցել Քրիստոսի քարի վրա»:

«Բացի Քրիստոսի քարից ի՞նչ հիմքերի վրա են երբեմն մարդիկ կառուցում իրենց կայմքերը»:

«Ինչպե՞ս եք դուք օրհնվել կառուցելով ձեր կյանքը Քրիստոսի քարի վրա»:

- Այնպիսի հարցեր տվեք, որոնք քաջալերում են դասարանի անդամներին կիսվել անձնական գաղափարներով ու փորձով, օրինակ.

«Ինչու՞ է Տերը պատվիրել մեզ միշտ աղոթել»:

«Ինչպե՞ս է Նա պատասխանել ձեր աղոթքներին»:

- Այնպիսի հարցեր տվեք, որոնք կօգնեն դասարանի անդամներին ավետարանի սկզբունքները գործածել իրենց կյանքում, օրինակ.

«Ինչպե՞ս կարող ենք ավելի լավ պատրաստել ինքներս մեզ մեր աղոթքների պատասխաններն ստանալուն»:

«Ինչպե՞ս կարող եք իմանալ, որ Հիսուս Քրիստոսը աշխարհի Փրկիչն է»:

«Ինչպե՞ս կարող եք գորացնել ձեր այն վկայությունը, որ Ջոզեֆ Մմիթն Աստծո մարգարեն է»:

Երբ որևէ մեկի հարցին չեք կարող պատասխանել, ապա խնդրեք դասարանի անդամներին, որ օգնեն ձեզ կամ ասացեք հարց տվողին, որ կօտնեք հարցի պատասխանը և հաջորդ դասին կպատասխանեք:

Մի մտահոգվեք, եթե դասարանի անդամները մի քանի վայրկյան լուռ են մնում հարցը տալուց հետո: Թերևս, եթե թվում է, թե նրանք չեն հասկացել հարցը, ապա անհրաժեշտ է, որ այն ավելի պարզ ձևակերպեք: Որևէ մեկին հարց տալիս լավ կլինի, որ նախ՝ նրա անունը ասեք, այնուհետև՝ հարցը:

Վերջապես, ուշադիր եղեք, որպեսզի վաղաժամ չավարտեք լավ քննարկումը, նպատակ հետապնդելով ներկայացնել ամբողջ ձեր պատրաստած նյութը: Ամենակարևորն այն է, որ անդամները զգան Հոգու ազդեցությունը, ավելացնեն Ավետարանի մասին իրենց գիտելիքները, սովորեն կիրառել Ավետարանի սկզբունքներն իրենց կյանքում և ամրացնեն ըստ Ավետարանի ապրելու իրենց պարտավորությունը:

Հատուկ Հյուրեր Հրավիրեք

Երեցների քվորումի մի նախագահ հրավիրել էր մի այլ անդամի գալու և պատմելու երեցներին, թե ինչպես իրենց տնային ուսուցման ուղերձներն ավելի հետաքրքիր դարձնեն այցելվող երեխաների համար: Երեցները ոչ միայն հասկացան, թե ինչու՞ է հարկավոր, որ երեխաները մասնակցեն տնային ուսուցման ժամերին, այլ նաև շատ խորհուրդներ ստացան այն մասին, թե ինչպես օգնել երեխաներին անել դա:

Միջոցառումներ Կազմակերպեք

Դասին վերաբերող հասարակ միջոցառումները կարող են օգնել դասարանի անդամներին, հատկապես երեխաներին և երիտասարդներին, սովորել Ավետարանի սկզբունքները: Այդպիսի միջոցառումները պետք է ընդունելի լինեն Ավետարանը սովորելու համար: Եկեղեցու կողմից հրատարակված շատ ուսումնական ձեռնարկներում կան միջոցառումների առաջարկներ:

Կազմակերպեք Դասը



Շատ կարևոր է, որ դասերը կազմակերպեք այնպես, որ կարողանաք ամենաարդյունավետ կերպով ներկայացնել ավետարանի սկզբունքները: Հետևյալ առաջարկությունները կօգնեն ձեզ պատրաստվել:

Որոնեք Աղբյուրները

Եկեղեցին հոգատարությամբ պատրաստել է ընդունված ուսումնական ծրագրին վերաբերող նյութեր, որոնք հիմնված են Սուրբ գրությունների և վերջին օրերի մարգարեների ուսմունքների վրա: Հարցրեք քահանայության կամ օժանդակ կազմակերպությունների ղեկավարներին, թե արդյո՞ք կարող եք ձեռք բերել հետևյալ աղբյուրները և օգտագործել:

- Եկեղեցու կողմից հրատարակված ուսուցչի ձեռնարկը՝ ձեր դասարանի համար:

- Սուրբ գրությունների մեկական օրինակ դասարանի յուրաքանչյուր անդամի համար:
- Վերջին օրերի մարգարեների ուսմունքները պարունակող եկեղեցական ամսագրերը:
- Չեր լեզվով մատչելի Սուրբ գրությունների ուսումնասիրության համար օժանդակ նյութեր:



- Ավետարանային Արվեստի Հավաքածու կոչված նկարների հավաքածուն, որը պետք է լինի ձեր հավաքատան գրադարանում:

Ուսումնասիրեք առկա նյութերն այնպես, որ կարողանաք ծրագրել դրանք ձեր դասերում օգտագործելը: Նյութերը բարդացնել պետք չէ արդյունավետ ուսուցանելու համար: Քրիստոսը սովորեցնում էր շատ համեստ պայմաններում: Ձեր ուսուցանության կարևորագույն գործոնը Հոգու ազդեցությունն է: Ուսումնական արդյունքների ճիշտ օգտագործումը Հոգու առաջնորդությամբ ամենահրաշալի հնարավորությունն է ստեղծում Ավետարանն ուսումնասիրելու համար:

Սկսեք Վաղ Պատրաստվելով

Դասերը վաղ պատրաստեք: Հաճախ օգտակար է սկսել դասերն ուսումնասիրելը դրանք դասավանդելուց մի քանի շաբաթ առաջ: Դա ժամանակ է ընձեռում դասի նյութերի մասին մտածելու, աղոթելու և պատշաճորեն պատրաստվելու:

Կենտրոնացեք Դասի Նպատակի վրա

Ձեր սովորեցնելիք յուրաքանչյուր դասն ունի նպատակ: Օրինակ, ծոմապահության դասի նպատակը՝ դասարանի անդամներին ծոմապահության օրհնությունների և ծոմապահության կիրակի օրը հատուկ նպատակով ծոմ պահելու կարևորությունը սովորեցնելն է:

Դասի նպատակը որոշելու համար ուսումնասիրեք դասի նյութը և առաջարկվող սուրբ գրությունները: Օգնություն խնդրեք Տիրոջից հասկանալու համար դասի ամենակարևոր ուղերձները այն անձանց

համար, ում դասավանդում եք: Հարցրեք ինքներս ձեզ. «Ի՞նչ պետք է տեղի ունենա այս դասի արդյուքում այն անձանց կյանքում, ում սովորեցնում եմ»: Եկեղեցու հրատարակած ուսումնական ձեռնարկներից շատերում դասերն ընդգրկում են նպատակի մասին հաղորդագրություն: Այդ հաղորդագրությունները կօգնեն ձեզ հասկանալ, թե յուրաքանչյուր դաս ինչպես պետք է ազդի նրանց վրա, ում այն ուսուցանում եք:

Որոշեք, թե Ի՞նչ Սովորեցնել

Դասի նպատակը սահմանելուց հետո որոշեք, թե ինչ սկզբունքներ պետք է ուսուցանվի այդ նպատակն իրականացնելու համար: Ձեռնարկներից շատերը պարունակում են սուրբ գրություններ, պատմվածքներ և այլ տեղեկություն օգնելու համար ձեզ ներկայացնել դասը: Մակայն հաճախ դասը պարունակում է ավելի շատ նյութ, քան դուք կհասցնեք ներկայացնել ձեզ տրամադրված ժամանակի ընթացքում: Այսպիսի դեպքերում դուք պետք է ընտրեք այն նյութը, որն ամենաօգտակարը կլինի նրանց համար, ում ուսուցանում եք: Հարցրեք ինքներս ձեզ. «Դասում նշված վարդապետություններից ու սկզբունքներից որո՞նք կօգնեն դասարանի անդամներին հաղթահարել իրենց հանդիպող դժվարությունները»:

Եթե ձեռնարկներից ու սուրբ գրություններից զատ նյութերի կարիք ունեք, ապա օգտագործեք Առաջին Նախագահության և Այցելող ուսուցիչների ուղերձների պատմվածքներն ու ճառերը, Եկեղեցու ամսագրերը, հատկապես ընդհանուր կոնֆերանսի ուղերձները:

Որոշելով ուսուցանելու նյութը.

- Աղոթքով ուսումնասիրեք դասի բովանդակությունը.
- Կազմեք դասում ներկայացվող հիմնական վարդապետությունների ու սկզբունքների ցուցակը.
- Միշտ մտքում հիշեք ձեր ուսանողների կարիքներն ու հիմնախնդիրները.
- Հետևեք Հոգու առաջնորդությանը:

Ամենալավ միջոցը՝ մեկ-երկու հիմնական սկզբունքների վրա կենտրոնանալն է:

Որոշեք, թե Ինչպե՞ս Սովորեցնել

Երբ որոշել եք, թե ինչ սովորեցնել, դուք պետք է որոշեք, թե ինչպես անել դա: Ուսումնասիրեք նյութը և աղոթքով խորհեք, թե ինչպես ամենալավ կերպով ներկայացնել այն ուսանողներին: Ձեր օգտագործելիք մեթոդը պետք է օգնի ուսանողներին հասկանալ և կիրառել ձեր սովորեցրածը:

Մանրամասն ուսումնասիրեք սուրբ գրությունները, պատմվածքները և դասում քննարկվող այլ տեղեկատվությունը, որոնք կօգնեն ձեզ ուսուցանել վարդապետությունը կամ սկզբունքը: Պատրաստվեք դասարանի անդամներին օգնելու հասկանալ, թե ինչպես է պետք կիրառել սուրբ գրություններն իրենց կյանքում (տես Նեփի 19.23):

Կարող եք մաս ձեր կյանքից կամ դասարանի անդամների կյանքից պատմություններ և օրինակներ օգտագործել: Օրինակ, մի պատանի դադարել էր ծխելը Իմաստության Խոսքին նվիրված քահանայության մի դասից հետո, որի ժամանակ ուսուցիչը նկարագրել էր, թե ինչպես էր

հաղթահարել այդ սովորությունը իր սեփական եղբայրը: Այս օրինակը ցույց է տալիս, որ ծխողը կարող է դադարել իր այդ սովորությունը: Երբ դասարանի անդամը լսեց այդ պատմությունը, նա վճռեց, որ կարող է փոխել իր սեփական կյանքը:

Դասը ներկայացնելու վերաբերյալ ուսումնական մեթոդների մասին տեղեկությունը կարող եք գտնել սույն ուղեցույցի 9–12 էջերում:

Ծրագրեք Ամփոփումը

Փրկիչը հաճախ ամփոփում էր իր սովորեցրածը և քաջալերում են մարդկանց կիրառել դա իրենց կյանքում (տես Բարի Սամարացու առակը, Ղուկաս Ժ.30–37): Դասի վերջում պետք է վերանայեք և ամփոփեք այն, ինչ ուսուցանվել է: Դասարանի անդամներին Ավետարանի վարդապետությունները կամ սկզբունքները կիրառելու եղանակներ առաջարկեք և խնդրեք նրանց ևս եղանակներ առաջարկել: Քաջալերեք նրանց օգտագործեն այդ գաղափարներից որոշները գալիք շաբաթվա ընթացքում: Հետագա դասերի ժամանակ կարող եք հարցնել նրանց, թե ինչ դասեր են քաղել այդ ջանքերի շնորհիվ:

Ուսուցչուհիներից մեկն իր դասարանի անդամներին առաջարկեց ողջ շաբաթվա ընթացքում անանուն մի ծառայություն մատուցել որևէ մեկին: Հաջորդ դասի սկզբում, ուսուցչուհին խնդրեց նրանց կարճ զեկուցել: Դասարանի անդամներից մի քանիսը եռանդուն փոխանակում էին իրենց փորձն ու ուրախությունը, որ զգացել էին դասը կյանքում իրագործելիս: Նրանց այսպիսի պահվածքը մյուսներին մղեց ավելի մեծ ծառայություններ մատուցել մարդկանց:

Հասկացեք Ձեր Ուսանողներին



Շատ կարևոր է հասկանալ նրանց, ում ուսուցանում եք: Հաշվի առեք ձեր դասարանի անդամների հասունությունն ու ունեցած փորձը: Տարբեր տարիքի մարդկանց կարիքներն ու սովորելու ընդունակությունը տարբեր են:

Երեխաներ

Երեխաներն աճում են մարմնապես, հոգեպես, հուզականորեն և հանրայնորեն: Դասը պատրաստելիս հիշեք յուրաքանչյուր երեխայի տաղանդները, կարողություններն ու կարիքները:

Երեխաները սիրում են բազմազանություն: Պատմվածքներ, պարզ խաղեր, նկարներ, առարկայական դասեր և երգեր օգտագործեք նրանց հետաքրքրելու համար:

Երեխաները նոր են սովորում բարությունն ու համբերությունը: Փորձեք լուծել այդ


բնագավառներում եղած խնդիրները նրանց հիշեցնելով Հիսուսի օրինակը և հորդորելով հետևել նրան:

Երեխաները վստահող ու հավատացող են: Նրանք կհավատան ձեր սովորեցրածին: Նրանք նաև ձեր օրինակին կհետևեն:

Երիտասարդներ

Մանկության և հասունության միջև ընկած շրջանը երբեմն դժվար ու հախտոն է: Դասարանի անդամները կարող են բազմաթիվ պարտականություններ ունենալ ընտանիքում, դպրոցում և աշխատանքում: Հետևյալ առաջարկությունները կարող են օգնել ձեզ երիտասարդների վրա դրական ազդեցություն ունենալ:

Դասերը պատրաստեք նրանց կյանքին ուղղակիորեն համապատասխան: Օգնեք



նրանց իմանալու, թե ինչպես կարող է ավետարանը պատասխանել իրենց հարցերին և օգնել լավ ընտրություններ կատարել:

Երիտասարդները կարող են իրենց միայնակ կամ չգնահատված զգալ: Օգնեք յուրաքանչյուրին դասարանում իրեն կարևոր զգալ: Ավետարանի չափանիշներով ապրող խմբին պատկանելը երիտասարդներին հոգևոր ուժ է տալիս և օգնում է, որ իրենց կյանքը մաքուր ապրեն:

Յույց տվեք, որ հարգում եք նրանց կարծիքները: Քաջալերեք նրանց մասնակցել դասին և քննարկել իրենց գաղափարները ձեր և միմյանց հետ:

Մեծահասակներ

Մեծահասակ դասարանի անդամները տարբեր տարիքի են և ունեն տարբեր հմտություններ ու կենսավործ:

Օգտագործեք այդ բազմազանությունը դասարանը հարստացնելու համար: Հրավիրեք դասարանի անդամներին կիսվել իրենց փորձի արդյունքում ձեռք բերած իմաստությամբ: Օգտագործեք նրանց ունեցած բազմաթիվ տաղանդները:

Պարզությամբ սովորեցրեք ավետարանի ճշմարտությունները: Սուրբ Հոգին կօգնի դասարանի անդամներին հասկանալ և իրենց անձնական կյանքում կիրառել այդ ճշմարտությունները:

Ուսուցանելու Պարզևները



Որպես ուսուցիչ, դուք կվայելեք այն ուրախությունը, որն առաջանում է մարդկանց Ավետարանի մասին գիտելիքներ տալուց: Ավետարանը սովորեցնելու ձեր քրտնաջան ու հավատարիմ աշխատանքը կօգնի մյուսներին զորացնել Փրկչի մասին իրենց վկայությունները և ապրել պատվիրանները պահելով:

Կիրակնօրյա Դպրոցի մի ուսուցիչ մտահոգվել էր, որ ուսուցանելու համար դասարանում իրենից ավելի որակավորվածները կային: Նա մտածում էր, որ իր ուսուցանությունը ոչ մի արդյունք չի ունենա: Մի կիրակի օր դասարանի անդամներից մեկը մոտեցավ ուսուցչին: Նա ասաց, որ իր ամուսինն այնքան զգացված է եղել դասարանում Հոգու ազդեցությունից, որ վճռել է ամեն օր ընտանիքը հավաքի ընտանեկան աղոթք ասելու նպատակով: Նա նաև ծրագրել է պատրաստվել տաճար մտնելուն և այնտեղ

ընտանիքը միասին կնքել: Դասարանի այդ անդամն իր սերն ու խոր զնահատությունն արտահայտեց ուսուցչին Սուրբ Հոգին դասարան հրավիրելու իր բոլոր ջանքերի համար: Այնուհետև, ուսուցչի սիրտը լցվեց հեզությամբ և նա հասկացավ ուսուցանելու ճշարիտ նպատակն ու պարզևները:

Սովորեցնելով դուք և ձեր ունկնդիրները օրհնված կլինեք: Ավետարանի մասին ձեր սեփական գիտելիքը և Փրկչի մասին ձեր վկայությունը կամրանան, երբ դուք ուսումնասիրում, պատրաստվում և սովորեցնում եք Ավետարանի դասերը: Դուք ավելի մեծ սեր կզգաք մյուսների նկատմամբ: Դուք ավելի շատ կզգաք Հոգու դրսևորումները ձեր կյանքում, երբ խոնարհաբար ու ջանասիրաբար կաշխատեք ապրել ըստ ձեր սովորեցրածի: Ձեր կյանքը կհարստանա որպես ուսուցիչ ձեր ծառայությամբ:

Ղեկավարել Ուսուցիչների Վերապատրաստումը Ճյուղում



Ճյուղի նախագահությունը պատասխանատվություն է կրում ճյուղում ուսուցման որակի համար:

Ուսուցիչների Վերապատրաստման Կոորդինատորի Պարտավորությունները

Երբ ճյուղի անդամների թիվը աճում է, ճյուղի նախագահության անդամը կանչում է և ձեռնադրում է ուսուցիչների վերապատրաստման կոորդինատորի, որպեսզի հսկի ուսուցիչների վերապատրաստման գործը: Կոորդինատորը կարող է լինել եղբայր կամ քույր: Նա պետք է լինի ճյուղի խորհրդի անդամ և ծառայի որպես աջակցող միջոց քահանայության օժանդակ կազմակերպությունների ղեկավարների, ինչպես նաև ուսուցիչների համար, գոր-

ծադրելով իր ջանքերը ավետարանի ուսուցումը բարելավելու գործում: Կոորդինատորը օգնում է ծրագրել և վարել ուսուցչի վերապատրաստման ժողովները և, եթե նշանակված է, ուսուցանել Ավետարանի Ուսուցման դասընթացը:

Ղեկավարների Աջակցությունը Ուսուցիչներին

Քահանայության և Օժանդակ կազմակերպությունների ղեկավարները պատասխանատվություն են կրում իրենց կազմակերպություններում ավետարանի ուսուցման որակի համար: Նրանք ուսուցման օրինակ են ծառայում և օգնում են ուսուցիչներին հասկանալ իրենց կոչումների կարևորությունը: Նրանք հայտնում են իրենց երախտագիտությունը, աջակցում և խրախուսում են ուսուցիչներին, ում ծառայում են:

Ուսուցման որակը Եկեղեցում կբարելավվի, երբ ղեկավարները հոգացող աջակցություն ցուցաբերեն և խրախուսեն իրենց կազմակերպությունների ուսուցիչներին:

Ուսուցիչների Վերապատրաստման Ժողովներ

Քահանայության կամ Օժանդակ կազմակերպության յուրաքանչյուր ղեկավար և ուսուցիչ պետք է հաճախի ուսուցիչների վերապատրաստման ժողովներին երեք ամիսը մեկ անգամ, որ սովորելի սկզբունքներ, մեթոդներ, և հմտություններ ավետարանի ուսուցումը բարելավելու նպատակով: Ուսուցիչների վերապատրաստման կորոլինատորը պլանավորում է ուսուցիչների վերապատրաստման ժողովները՝ խորհրդակցելով քահանայության և ժամհայ կազմակերպությունների ղեկավարների հետ: Ժողովները պետք է անցկացվեն ուսուցիչների և ղեկավարների համար հարմար ժամանակ, և լինի այնպես, որ չխանգարեն Կիրակնօրյա դպրոցի ժողովներին: Ընդհանրապես ժողովները չպետք է տևեն մեկ ժամից ավելի:

Ուսուցիչների վերապատրաստման ժողովները կարող են ընդգրկել.

- Ճյուղի նախագահության անդամի, քահանայության կամ օժանդակ կազմակերպության ղեկավարի կողմից համառոտ ուղերձ՝ ուսուցման որևէ սկզբունքի վերաբերյալ:
- Քահանայության կամ օժանդակ կազմակերպության ղեկավարի կամ ուսուցիչի կողմից ելույթ՝ ուսուցման որևէ մեթոդի կամ հմտության վերաբերյալ:

- Ժամանակ, որպեսզի ուսուցիչները և ղեկավարները կիսվեն իրենց մտքերով և քննարկում ծավալեն դասարանի որոշ անդամներին օգնելու եղանակների շուրջ:

Երբ ուսուցիչների և ղեկավարների թիվն աճում է ճյուղում, ուսուցիչների վերապատրաստման ժողովները կարելի է անցկացնել ամեն քառորդ.

- 18 տարեկան և բարձր անդամների ուսուցիչների և ղեկավարների համար:
- 12 և 17 տարեկան անդամների ուսուցիչների և ղեկավարների համար:
- Երեխաների Միության ուսուցիչների և ղեկավարների համար:

Կարելի է այնպես կազմակերպել, որ այս յուրաքանչյուր ժողովն անցկացվի ամեն ամիս:

Ավետարանի Դասընթացի Ուսուցումը

Ավետարանի դասընթացի ուսուցումը դնում է հիմքը, որն օգնում է անդամներին դառնալ ավետարանի ավելի լավ ուսուցիչներ իրենց տանը և Եկեղեցու ժողովներում: Այս դասի ծրագիրը տրված է այս ուղեցույցի 21–22 էջերում: Ուսուցիչ վերապատրաստման կորոլինատորը ուսուցանում է դասընթացը, քանի դեռ ճյուղի նախագահությունը չի կանչել մեկ այլ ճյուղի անդամի՝ ուսուցանելու այն:

Ճյուղի նախագահությունը հրավիրում է անդամներին՝ հաճախել դասընթացին: Ընդհանրապես, պետք է դասընթացին հաճախեն 10 անդամներից ոչ ավել, որ յուրաքանչյուրը դասին մասնակցելու հնարավորություն ունենա:

Ավետարանն Ուսուցանելու Դասընթացի Ծրագիր

Ավետարանն ուսուցանելու դասընթացը Եկեղեցու անդամների համար ավելի լավ ուսուցիչներ դառնալ սովորելու հնարավորություն է ընձեռում: Դասընթացի հրահանգիչը ուսուցիչների որակավորման բարձրացման կորոշիմատորն է կամ եպիսկոպոսի կամ ճյուղի նախագահի կողմից կոչված մի այլ փորձառու ուսուցիչ: Այս դասընթացը կարող է տեղի ունենալ Կիրակնօրյա Դպրոցի ժամանակ կամ մի այլ հարմար ժամի: Եթե դասընթացը վարվում է մի որոշակի կազմակերպության առաջնորդների և ուսուցիչների համար, ապա այն կարող է անցկացվել որպես նրանց առաջնորդության հերթական հավաքի մի մաս: Այնտեղ, որտեղ հեռավորության կամ առկա պայմանների պատճառով Կիրակնօրյա Դպրոցի ժամերին դասընթացն անցկացվելու անհնարին է, ապա տնային ուսուցման և մի քանի դասարանային համդիպումների ժամանակ պետք է անցկացվել:

Սույն ուղեցույցում գաղափարներ կան յուրաքանչյուր դասի համար: Դաս պատրաստելիս հրահանգիչը պետք է օգտագործի «Օգտագործեք ուսուցման բազմազան մեթոդներ» բաժնում տրված առաջարկությունները: Յուրաքանչյուր դասից հետո հրահանգիչը պետք է կոչ անի դասարանի անդամներին թե Եկեղեցու դասարանում, և թե ընտանեկան երեկոյի ժամանակ սովորածը իրագործել: Մա մեծապես կնպաստի նրանց որպես ուսուցիչներ զարգացմանը: Բացի դրանից, դասընթացը նախատեսված է ութ շաբաթվա համար, համաձայն հետևյալ ծրագրի: Ստորև տրված առաջարկությունները դասընթացի ուսուցիչ համար են:

Առաջին շաբաթ

Դասարանի բոլոր անդամներին տվեք ուղեցույցի մեկական օրինակ և ուսումնասիրեք այն: Դասը կենտրոնացրեք ներածության և «Հոգեպես պատրաստվեք» բաժնի վրա: Շեշտեք ձեռնադրվելու և ըստ Ավետարանի ապրելու կարևորությունը Հոգին մեզ հետ ունենալու համար:

Երկրորդ շաբաթ

Դասը կենտրոնացրեք «Սիրեք ձեր ուսանողներին» ենթաբաժնի վրա, որը գտնվում է «Ուսուցանեք Հիսուսի պես» բաժնում: Դիմեք նաև սույն ուղեցույցի 16–17 էջերին գետեղված տարիքային խմբերի առանձնահատկություններին: Խնդրեք դասարանի անդամներին պատմել իրենց փորձից, թե ինչպես ընտանիքի կամ դասարանի անդամներին սիրով օգտակար լինելը որակյալ արդյունք է ունեցել: Հնարավոր է ցանկանաք քննարկել, թե ինչպես կարող են ուսուցիչները օգտակար լինել և հոգ տանել յուրաքանչյուր անդամի համար՝ համաձայն նրա կարիքների, հատկապես, նորադարձների և արատներ ունեցող անդամների համար:

Երրորդ շաբաթ

Դասը կենտրոնացրեք «Ուսուցանեք Հիսուսի պես» բաժնում գտնվող «Ուսուցանեք Ավետարանի ճշմարտությունները» ենթաբաժնի վրա: Նշեք վարդապետությունը հավատով լի, պարզ և հստակ ուսուցանելու կարևորությունը, ուսուցանելիս սուրբ գրությունները օգտագործելով և հիմնելով անձնական Ավետարանի ուսումնասիրության ծրագիր:

Չորրորդ շաբաթ

Դասը կենտրոնացրեք «Ուսուցանեք Հիսուսի պես» բաժնում գտնվող «Ուսուցանեք Սուրբ Հոգով» ենթաբաժնի վրա: Օգնեք դասարանի անդամներին համոզվումը ունենան, որ կարող են Հոգին ունենալ իրենց ուսուցանության մեջ: Օգնեք նրանց ճանաչել և հետևել Հոգուն:

Հինգերորդ շաբաթ

Դասը կենտրոնացրեք «Ուսուցանեք Հիսուսի պես» բաժնում գտնվող «Քաջալերեք քրտնաջան սովորել» ենթաբաժնի վրա: Նշեք հատուկ այն միջոցները, թե ինչպես կարող են ուսուցիչներն օգնել իրենց ուսանողներին ընդունել Ավետարանը սովորելու և լիովին ըստ դրա ապրելու իրենց պարտականությունը:

Վեցերորդ շաբաթ

Դասը կենտրոնացրեք «Ուսուցանեք Հիսուսի պես» բաժնում գտնվող «Սովորելուն նպաստող մթնոլորտ ստեղծեք» ենթաբաժնի վրա: Օգնեք դասարանի անդամներին հասկանալ, թե ինչպես ստեղծել սովորելուն նպաստող մթնոլորտ, ուր յուրաքանչյուրը մասնակցություն է ցուցաբերում և ցանկանում է սովորել:

Յոթերորդ շաբաթ

Դասը կենտրոնացրեք «Օգտագործեք ուսուցման բազմազան մեթոդներ» բաժնի վրա: Արդյունավետ դաս անցկացնելը պահանջում է մտահղացում ու ստեղծարարություն և այս բաժնի նյութը կարող է չափազանց օգտակար լինել: Խնդրեք դասարանի անդամներին ցուցադրել կամ

կիսվել բաժնում քննարկվող ուսուցման մեթոդների վերաբերյալ իրենց փորձով:

Ութերորդ շաբաթ

Դասը կենտրոնացրեք «Պատրաստեք ձեր դասը» բաժնի վրա: Օգնեք դասարանի անդամներին հասկանալ դասի պատրաստությունը վաղ սկսելու կարևորությունը և քննարկեք, թե ինչպես ծրագրել և ներկայացնել արդյունավետ դասեր:

Դասընթացի ընթացքում հարմար պահի ժամանակ կարող եք ուշադրություն հրավիրել «Ուսուցանելու պարզեցնելը» բաժնի վրա: Խնդրեք դասարանի անդամներին կիսվել իրենց փորձով, թե ինչպես են իրենց կյանքերն օրինակել ուսուցիչների շնորհիվ և թե որպես ուսուցիչներ ինչպես են իրենք կարողացել օգնել մյուսներին:

Երբ դասընթացն ավարտվի քաջալերեք ունկնդիրներին շարունակել որակավորվել որպես ուսուցիչներ: Եթե նրանք դասարանի նոր կոչված ուսուցիչներ են, ապա իրենց քահանայության կամ օժանդակ կազմակերպության առաջնորդը պետք է հանդիպի նրանց հետ և հակիրճ պատմի դասարանի և անդամների մասին: Այնուհետև, նրանք պետք է ժամանակ առ ժամանակ իրենց քահանայության կամ օժանդակ կազմակերպության առաջնորդին զեկուցեն իրենց առաջընթացի մասին և քննարկեն հատուկ դժվարություններն ու կարիքները: Նրանք նույնպես կարող են հրավիրել առաջնորդին այցելել իրենց դասարանը և օգնել ինչ-որ կերպ: Ուսուցչի որակավորման հրահանգիչը օժանդակ միջոց է բոլոր ուսուցիչների համար՝ և նրանց, ովքեր դասարաններում են ուսուցանում, և նրանց, ովքեր ուսուցանում են իրենց ընտանիքներում:

Եկեղեցու Նյութեր Ձեռք Բերելը և Ընտանիքի Պատմության մեջ Տեղեկություններ Տեղադրելը

Տեղական ղեկավարները և մյուս անդամները կարող են ձեռք բերել Եկեղեցու նյութեր, ներառյալ սուրբ գրություններ, ուսումնառության դասընթացներ, Եկեղեցու ամսագրեր, տաճարային ներգնազգեստ, տաճարային հագուստ, իրենց Եկեղեցու բաշխման կենտրոնից կամ ծառայության կենտրոնից, Սուրբ Լեյքի

Բաշխման կենտրոնից, կամ Եկեղեցու պաշտոնական Ինտերնետային էջից, որի հասցեն է. www.lds.org.

Ընտանիք պատմության համար տեղեկությունը մատչելի է Եկեղեցու Ընտանիքի պատմության Ինտերնետայի էջից, որի հասցեն է. www.familysearch.org.

ՀԻՍՈՒՄ
ՔՐԻՍՏՈՍԻ
ՎԵՐՁԻՆ ՕՐԵՐԻ ՍՐԲԵՐԻ
ԵԿԵՂԵՅԻ

